

NUNATSIAVUT KATIMAJITSUANGITA

IL 2016-01

KENAUJATSUUGUTIMMUT PIKKUJANGA, 2016

**UNA PIKKUJAK ATULIAKITITSIGIAMIK KATINGATILLUGIT
KENAUJALIGINIMMUT PANNAIGUTINGANIK NUNATSIAVUT
KAVAMANGATA ILINGATILLUGU KENAUJATTÂVIUP JÂRINGATA
PIGIANNINGANUT APRIL 1, 2016 AMMA NÂNINGANUT MARCH 31, 2017.**

PITANGIT

1. Naittuk Taijaugusik
2. Tukungit
3. kenaujatsasiugutik angiutaunninga ammalu tigujaunninga
4. Pitsatunigijajuk ilingajuk kenaujaliugutinnut
5. Asigiallangit kenaujaliugutet
6. Akilegutet pitsatuniKattitaugiaKanningit
7. PivitsagijaugutiKanningit akilegutet pitsatuniKattitaujut atâgut tâtsuma
PikKujaup
8. Sapvataumajut kenaujait
9. Pitsatunet ilingajut akilittaugutinginnut tauttilitsasiat, killigiudjiutet amma
paigijaugutet
10. Asingit Kinugautet ilijausimagiaKajut kenaujatsasiugutimmut ilingatillugit
ammalu pitsatuniKattitaullutik AngajukKaunet katimajinginnut
11. Nottaugialet akungani kenaujait ubvalu suliaKapvet kenaujatsasiugutingita
12. AtuliaKittitaugutiup Ullunga

ILAGIAGUTIK

***AtuliaKittitaullilli AngajukKânganut Nunatsiavut ammalu Nunatsiavut
katimajitsuanginnut imailingatillugit:***

NAITTUK TAIJAUGUSIK

1. Una Inuit Maligatsanga taijaugunnatuk imâk *kenaujatsasiugutimmut PikKujak,
2016.*

TUKINGIT

- 2.

Tapvani PikKujammi asiagut pikKujaugutittaKangipata:

- (a) “PikKujak” tukiKajuk *kenaujatsasiugutimmut PikKujak, 2016;*
- (b) “kenaujatsasiugutik” tukiKajuk katingatillugit kenaujait Pannaigutik taijaujuk allatausimajuni 3-mi tapvani PikKujammi ammalu ilagiagutimmi tapvani PikKujammi;
- (c) “Nunatsiavut kenaujaKapvinga” tukiKajuk katingatillugit kenaujaliuttausimajut kenaujaKapvinganettut Nunatsiavut kavamangata tungaviliuttausimajut kamagijautsianiattulu piusiugiaKanningatut Allasimajuk 8-imi Labradorimiut Inuit Maligatsasuangani;

KENAUJATSASIUGUTIK ANGIUTAUNINGA AMMALU TIGUJAUNINGA

3.

Tainna katingatillugit kenaujait Pannaigutinga Nunatsiavut kavamangata ilingatillugit kenaujattâvimmut jârimut pigiasillutik April 1, 2016 ammalu nâjillutik March 31, 2017, adjinga ilijausimatillugu tâtsumunga PikKujammut, mânnaujumi angiutaujuk ammalu tigujaudluni taijautillugu katingatillugit kenaujait Pannaigutinga Nunatsiavut kavamanga ilingatillugu kenaujattâvimmut taitsumani April 1, 2016-amit tikillugu March 31, 2017.

PITSATUNIGIAJUT ILINGAJUT KENAUJALIUGUTINNUT

4.

Tainna Nunatsiavut kenaujaligijinga mânnautilillugu pitsatuniKattitaujuk ammalu tilijaujuk

- (a) âkKisigiamut ukuninga amiakkosimajunik taitsumani March 31, 2015, ilillugit kenaujanut atuinnaujunut Nunatsiavut kavamanganut ilingatillugit kenaujattâvimmut pigiasijumut April 1, 2016:

\$362,000

- (b) âkKisigiamut ukuninga kenaujanik pitâgijaugunnatunik kavamanganit Canadaup atâgut mânnautilillugu kenaujattâviujop kenaujaliginimmut AngiKatigegutiup ilillugit kenaujanut atuinnaujunut Nunatsiavut kavamanganut ilingatillugit kenaujattâviujop jâringanut pigiasitillugu April 1, 2016:

\$58,344,000

ammalu

- (c) akittuigiagiamut ammalu katitsuigiamut ukuninga kenaujaliugutinik ammalu akilelluni taimâtsainak angitigijumik Nunatsiavut

kenaujaKapvinganut taitsumaniutillugu kenaujattâviujop jâringata pigiasipvingani April 1, 2016:

Ilagiagutiusimajunut/katitsutausimajunut kenaujait	\$ 1,093,000
Imminik kavamaKanimmut kenaujaKapvik ammalu IlikKusimmut ammalu UKausituKammut (FFA)	\$ 3,257,000
Inop Immigut Income Tâksingit	\$ 5,010,000
Niuviatsanut amma Ikajuttaugutinnut Tâkset	\$ 2,278,000
Labradorimi Inuit Nunamik Satusaijet AtuttauliaKititsiningata kenaujakkuvinga	\$ 5,995,000
UjaganniatauKattatunit pitâgijauKattatut	\$ 4,605,000
Aktasinimmut Akiligialet	\$ 69,000
PiviKagiamut Akiligialingit Oganniatet	\$ 300,000
Suliangujumi kenaujaliugutet	<u>\$ 2,168,000</u>
	<u>\$83,481,000</u>

ASIGIALLANGIT KENAUJALIUGUTET

5.

kenaujait taijaujut allataugiallasimajuni 4(c-mi) nalautsâtausimajut ammalu sunalonnet allatausimajuni 4-rami apvianiKangilat isumagijaugiaKangilallu apvialutauninginnik Nunatsiavut kavamanganik katitsuigiamik upvalulonnet tigusigiallasongugiamik kenaujagiallanik taikkua kenaujait ilijauniatuappata Nunatsiavut kenaujaKapvinganut, tâvatuak sunalonnet tapvani allatausimajuni pitsatuniKatitsingituk upvalulonnet isumagijaugiaKangilak pitsatuniKagianganik akittuigiallasongunimmik nallenullonnet inummut akilittaugiaKanialettillugu tâksiulittillugu, nalliagullonet angiKatigegutausimagaluappalonnet tâksiliginimmut aulatsijiutitaugaluappat upvalulonnet asiagut.

AKILEGUTET PITSATUNIKATTITAUGIAKANNINGIT

6.

Sunamillonet akilittuijuKagiaKangilak Nunatsiavut kenaujaKapvinganit kenaujattâviup ullungita akungani April 1, 2016-amit tikillugu March 31, 2017, kisimituak:

- (a) malittautillugu kenaujatsasiugutik;
- (b) pitsatuniKattitaulluni AngajukKâmut katimajini taitsumani akilegutik sakKititautillugu malittautillugulu kenaujaKattitaugutimmut angiKatigegutigisimajangagut Nunatsiavut kavamangata ammalu akilegutik Kagguisimatinnagu akitsagijanganik akilittaugiialiup upvalulonnet akiliusiagisimanganik akiliusiagigajattanganillu Nunatsiavut kavamangata malittautillugu angiKatigegutigijausimajuk; upvalulonnet

- (c) malittautillugu pitsatunigijaujuk atâgut asingata PikKujangata katimajitsu at ilangiutillugit ukua *Nunamik Satusainnimut AngiKatigegutiup kenaujaKapvingata PikKujangagut.*

PIVITSAGIJAUGUTIKANNINGIT AKILEGUTET PITSATUNIKATTITAUJUT ATÂGUT TÂTSUMA PIKKUJAUP

7.

Malittautillugit allatausimajut 64-rami taitsumani *kenaujaligiutet Aulataugutingita PikKujangata*, sunalonnet akilegutik sakKititaugiaKangituk atâgut tâtsuma PikKujaup kingungagut March 31, 2017.

SAPVATAUMAJUT

8.

Malittautillugu Ilangata 9 taitsumani *kenaujaligiutet Aulataugutingita PikKujangata*, ukua aulatsijuijut pigunnatut, malittautillugu kenaujatsasiugutik, Kinugunnatut pijumik ammalu pitâlluni Nunatsiavut kenaujaKapvinganit ukuninga kenaujanik ilingajunik kenaujattâviup jâringanut pigiasitillugit April 1, 2016, ilingatillugit ukununga pidjutigijaujunut:

NUNATSIAVUT KATIMAJITSUANGIT

- (a) \$ 2,990,000 ilingatillugit katimajitsuanut kiggatuttinginnulu malillugit Kinuagisimajangit UKâlattiup.

NUNATSIAVUT AULATSIVINGA

- (b) \$ 2,043,500 ilingatillugit piusigijaugialinnut, suliangujunut ammalu ikajotinginnut Nunatsiavut Aulatsivingata malillugit Kinuagisimajangit AngajukKâp.

NUNATSIAVUT KAMAGIGIALINGINNUT

- (c) \$ 18,561,500 ilingatillugit piusigijaugialinnut, suliangujunut ammalu ikajotinginnut SuliaKapvingata Nunatsiavut kamagigialinginnut malillugit Kinuagisimajangit Sivulittiup Ministariup.

SULIAKAPVIK KENAUJALIGINIMMUT AMMALU INULIGINIMMUT

- (d) \$ 6,210,000 ilingatillugit piusigijaugialinnut, suliangujunut ammalu ikajotinginnut SuliaKapvingata kenaujaliginimmut ammalu Inuliginimmut malillugit Kinuagisimajangit Nunatsiavut kenaujaligijingata.

SULIAKAPVIK NUNALIGINIMMUT AMMALU NUNAMMIUTANIK

PIVIANATTULIGINIMMUT

- (e) \$5,304,000 ilingatillugit piusigijaugialinnut, suliangujunut ammalu ikajotinginnut SuliaKapvingata Nunaliginimmut ammalu Pivianattuliginimmut malillugit Kinuagisimajangit Nunatsiavut Ministeringata Nunaliginimmut ammalu Pivianattuliginimmut.

**SULIAKAPVIK INOSITSIAGITTOTITSIGASUANNIMI NUNALINNILU
PIVALLIATITSIGASUANNIMI**

- (f) \$ 22,336,500 ilingatillugit piusigijaugialinnut, suliangujunut ammalu ikajotinginnut SuliaKapvingata Inositsiagittotitsigasuanmimmut ammalu InoKatigeguset Pivalliatitaugutinginnut malillugit Kinuagisimajangit Nunatsiavut Ministeringata Inositsiagittotitsigasuanmimi Nunalinnilu Pivalliatitsigasuanmimi

**SULIAKAPVIK ILINNIATULIGINIMMUT AMMALU KENAUJALIUGUTET
PIVALLIATITAUGUTINGINNUT**

- (g) \$13,699,500 ilingatillugit piusigijaugialinnut, suliangujunut ammalu ikajotinginnut SuliaKapvingata Ilinniattuliginimmut ammalu kenaujaliugutet Pivalliatitaugutinginnut malillugit Kinuagisimajangit Nunatsiavut Ministeringata Ilinniattuliginimmut ammalu kenaujaliugutet Pivalliatitaugutinginnut.

**SULIAKAPVIK ILIKKUSILIGINIMMUT, PINGUATULIGINIMMUT AMMA
NIUGGUTILIGINIMMUT**

- (h) \$2,635,000 ilingatillugit piusigijaugialinnut, suliangujunut ammalu ikajotinginnut SuliaKapvingata IlikKusiliginimmut, Pinguatuliginimmut amma Niuggutiliginimmut malillugit Kinuagisimajangit Nunatsiavut Ministeringata IlikKusiliginimmut, Pinguatuliginimmut amma Niuggutiliginimmut.

**SAPVATAUMAJUT ILINGATILLUGIT INUIT NUNALET KAVAMANGITA
KENAUJATSASIUGUTINGINNUT**

- (i) \$9,547,000 ilingatillugit piusigijaugialinnut, suliangujunut ammalu ikajotinginnut Inuit Nunalet kavamangita malillugit Kinuagisimajangit Nunatsiavut kenaujaligijingata tainna kenaujaligijik nâmmasiutiKappat imâk:
- (A) kenaujatsasiugutinga atunit Inuit Nunalet kavamangata angjutausimanninganut malittautillugit allatausimajut 10.3.6-imi Labradorimiut Inuit Maligatsasuangani; ammalu

- (B) tainna Kinugautiusimajuk malingatsiatuappat uKaudjigiagutigisimajanginnik Ikajuttigennikut Aulatsinimmut katimajet pidjutigijautillugu adjigettumik aviKataugiaKanninga akungani Inuit Nunalet kavamangita ukunangat \$9,547,000.

SAPVATAUSIMAJUT ILINGATILLUGIT INUIT NUNALET KUAPARESANGITA KENAUJATSASIUGUTINGINNU

- (j) \$154,000 ilingatillugit piusigijaugialinnut, suliangujunut ammalu ikajotinginnut Inuit Nunalet kuaparesangita malillugit Kinuagisimajangit Nunatsiavut kenaujaligijingata tainna jâri tamât kenaujatsiugutinga Inuit Nunalet kuaparesangita angiutausimatillugu Nunatsiavut AngajukKauningata katimajinginnut.

PITSATUNET ILINGAJUT AKILITTAUGUTINGINNU TAUTLILITSAIT, KILLIGIUDJIUTET AMMA PAIGIJAUGUTET

9.

Tainna kenaujaligijik pitsatuniKattitaujuk ilonnanginnik akilittuigiamut atuttaugiaKajunik akilegegiat Nunatsiavut kavamangata akilittugiaKajanginnik ilingajunik nunamik namminiunimmut satusainimmut tauttilitsasiangusimajunik malittautillugu Ilanga 19.2 taitsumani Labradorimiut Inuit Nunamik Satusainimmut AngiKatigegutingani.

ASINGIT KINUGAUTET ILIJAUSIMAGIAKAJUT KENAUJATSASIUGUTIMMUT ILINGATILLUGIT AMMALU PITSATUNIKATTITAUTILLUGIT ANGAJUKKAUNET KATIMAJINGINNU

10.

Nallituinnanga Kinugausigijausimajuk akilegiat pijumik ammalu taitsumangat Nunatsiavut kenaujaKapvingani nalunaittaugutiKatinnagu pitsatunigijajumut allatausimajuni 6, 7, 8 amma 9-imi tapvani PikKujammi tâvatuak pitaKattitausimajumut kenaujatsasiugutimmi pigiaKajuk sivungani pitsatuniKattitaugiaKajuk tilitsiutingagut Nunatsiavut AngajukKaunet katimajinginnut.

NOTTAUGIALET AKUNGANI KENAUJAIT UPVALULONNET SULIAKAPVET KENAUJATSASIUGUTINGITA

11.

Sunalonnet tapvani PikKujami nukKangatitsigunnangituk nottitaugutinginnik kenaujait akungani kenaujaKapvet ubvalu suliaKapvet kenaujatsasiugutinginni malittautillugit allatausimajut 49 amma 50-mi taitsumani kenaujaligiutet Aulataugutingata PikKujangani.

ATULIAKITTITAUGUTIUP ULLUNGA

12.

Una PikKujak atuliaKittitaulâttuk April 1, 2016.